

Cyngor Sir CEREDIGION County Council

ADRODDIAD I'R: Pwyllgor Trosolwg a Chraffu Cymunedau Iachach
DYDDIAD: 27 Hydref 2022
LLEOLIAD: Hybrid
TEITL: Gwasanaethau Arbenigol Porth Cynnal (Plant ac Oedolion)

ADRODDIAD RHEOLI PERFFORMIAD Y GWASANAETH ADOLYGU ANNIBYNNOL CHWARTER 4 2021 – 2022

PWRPAS YR ADRODDIAD: Monitro cynnydd plant sy'n derbyn gofal trwy waith craffu Swyddogion Adolygu Annibynnol o'u cynlluniau a'u lleoliadau yn ystod pedwerydd chwarter 2021/2022. Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

RHESWM Y MAE'R PWYLLGOR CRAFFU WEDI GOFYN AM Y WYBODAETH HON:

Sicrhau bod yr Awdurdod Lleol a'r Aelodau yn gallu cyflawni eu dyletswyddau fel Rhieni Corfforaethol.

CEFNDIR:

Atodir Adroddiad y Gwasanaeth Adolygu Annibynnol ar gyfer chwarter 4 2021/2022.

Caiff adroddiadau chwarterol eu rhoi gerbron y Pwyllgor Trosolwg a Chraffu Cymunedau Iachach fel rhan o'r ystyriaeth barhaus o'r pwnc i sicrhau bod yr Awdurdod Lleol yn cyflawni ei ddyletswyddau fel y Rhiant Corfforaethol.

Mae'r adroddiad hwn yn cynnwys y safonau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu, ac mae'n cynnwys Dangosyddion Perfformiad Llywodraeth Cymru.

Ar sail yr wybodaeth sydd ar gael a'r hyn a fynegwyd yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd Cynllun Gofal y plentyn/person ifanc o ran bodloni ei anghenion, a gall argymhell newidiadau i'r Cynllun Gofal.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol i gael cyngor cyfreithiol/cymryd camau ar ei ran. Roedd y Swyddog Adolygu Annibynnol o'r farn nad oedd angen gweithredu ar gyfer unrhyw blentyn yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai gyfeirio'r achos i CAF/CASS

Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.

Mae'r adroddiadau hyn yn cael eu hystyried o fewn cyfarfodydd sicrhau ansawdd plant sy'n Derbyn Gofal Amlasiantaethol sy'n cwrdd bob chwarter; mae'r cyfarfodydd hyn yn gyfle i nodi a gweithredu ar berfformiad a materion eraill yn ymwneud â'r maes gwaith hwn.

Mae'r adroddiadau hyn hefyd yn cael eu cylchredeg a'u hadolygu gan Grŵp Rhianta Corfforaethol yr Awdurdod Lleol sy'n cael ei gadeirio gan y Cynghorydd Alun Williams, Aelod Cabinet ar gyfer Gwasanaethau Plant a Diwylliant, a chynhelir y cyfarfodydd hyn bob chwarter.

CRYNODEB O'R PWYNTIAU ALLWEDDOL:

- Ar ddiwedd y chwarter hwn, o 30 Mawrth 2022 ymlaen roedd 100 o blant yn derbyn gofal gan yr Awdurdod Lleol. Mae hyn yn gynydd o 3 yn nifer y plant sy'n derbyn gofal. Ar ddiwedd chwarter 3, roedd 97 o blant yn derbyn gofal.
- Cafodd 61 o blant eu hadolygu yn ystod y chwarter hwn o'i gymharu â 72 yn y chwarter blaenorol. Cafodd 90.2% eu hadolygu o fewn y terfyn amser statudol.
- Roedd 3 o blant wedi gadael gofal yn y chwarter hwn o'i gymharu â 7 yn chwarter 3. Roedd Gorchmynion Gofal 2 o blant wedi cael eu dirymu ac aeth 1 ymlaen i leoliad Pan Dwi'n Barod.
- Y ddarpariaeth lleoli ar gyfer y plant a adolygwyd yn ystod y chwarter hwn oedd 25 mewn gofal maeth yr Awdurdod Lleol, 8 wedi'u lleoli gyda rhieni, 7 wedi'u lleoli gyda theulu, 1 gydag Asiantaeth Maethu Annibynnol, 6 mewn gofal preswyl, 6 gyda gofalgwyr sy'n berthnasau, 1 mewn lleoliad mabwysiadu ac 1 mewn llety â chymorth. Roedd 18 yn lleoliadau y tu allan i'r sir.
- O'r plant a adolygwyd yn ystod y chwarter hwn, cafodd 90.2% o'r plant ymweliad statudol. Roedd hyn yn cymharu ag 95.8% yn chwarter 3
- Roedd 28 o'r plant a adolygwyd yn destun Gorchymyn Gofal Llawn, roedd gan 23 Orchymyn Gofal Dros Dro, roedd 3 ar Orchymyn Lleoli, ac roedd 7 o dan statws cyfreithiol Adran 76.
- Cofnodwyd bod 54% o'r Cynlluniau Gofal a Chymorth yn bodloni anghenion y plant/pobl ifanc a adolygwyd yn ystod y chwarter hwn.
- Faint o amser mewn Gofal ar gyfer plant sy'n derbyn gofal Ceredigion a adolygwyd yn chwarter 4 – 20 o dan 6 mis, 9 rhwng 6 – 12 mis, 9 rhwng 1 – 2 flynedd, 23 dros 2 flynedd.
- Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion plant sy'n derbyn gofal oedd 98.4% yn y chwarter hwn.
- Canran y plant (â digon o grebwyll) oedd wedi cymryd rhan neu a gafodd eu hymgyngori ynghylch eu hadolygiad oedd 100%.
- Canran y plant a gafodd wybod am eu hawl i gael Gwasanaeth Eirioli oedd 100%.
- Nifer a chanran y plant sy'n derbyn gofal oedran ysgol oedd â Chynllun Addysg Personol o fewn 20 diwrnod ysgol ar ôl cael eu derbyn i ofal neu ar ôl dechrau mewn ysgol newydd yn ystod y chwarter hwn oedd 100%.
- Nifer a chanran y rhieni y bu i'r Gweithiwr Cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu oedd 100%.
- Cynhaliwyd 27 (84.4%) o Adolygiadau o Gynlluniau Llwybrau o fewn y terfynau amser o'i gymharu â 94.1% yn y chwarter blaenorol.

- Canran y bobl ifanc ag Ymgynghorydd Personol/Gweithiwr Cymdeithasol dynodedig oedd 100% yn ystod y chwarter hwn.
- Canran y bobl ifanc yr ymgynghorwyd â nhw ar gyfer eu cyfarfod adolygu yn ystod y chwarter hwn oedd 96.9% (31 adolygiad) gyda 1 (3.1%) person ifanc wedi'i gofnodi fel un sy'n gwrthod ymgysylltu â gweithwyr proffesiynol.

A gwblhawyd Asesiad Effaith Integredig? Os naddo, esboniwch pam

Naddo

Crynodeb:

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir gyda phlant sy'n derbyn gofal yng Ngheredigion.

LLESANT CENEDLAETHAU'R DYFODOL:

Hirdymor:	Cael cydbwysedd rhwng anghenion tymor byr a chynllunio hirdymor ar gyfer y dyfodol
Integreiddio:	Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt
Cydweithio:	Cydweithio â phartneriaid eraill i gyrraedd y nod
Cynnwys:	Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid
Atal:	Defnyddio adnoddau i atal problemau rhag codi neu waethygu

ARGYMHELLIAD(ARGYMHELLION):

Nodi cynnwys yr adroddiad a'r lefelau gweithgarwch gyda'r Awdurdod Lleol

RHESYMAU DROS YR ARGYMHELLIAD(ARGYMHELLION):

Er mwyn monitro dull llywodraethu gweithgarwch yr Awdurdod Lleol a'i asiantaethau partner ar gyfer plant sy'n derbyn gofal.

Enw Cyswllt:

Siân Howys

Swydd:

Swyddog Arweiniol Corfforaethol: (Plant a Theuluoedd)

Dyddiad yr Adroddiad:

9 Mehefin 2022

Acronymau:

IRO – Swyddog Adolygu Annibynnol
 LAC – Plant sy'n Derbyngofal;
 CAFCASS – Gwasanaeth Cynghori a Chymorth i Blant a Theuluoedd
 APR – Cofnodion Gweithredu a Chynnydd
 PEP – Cynllun Addysg Personol
 PI – Dangosyddion Perfformiad
 CAMHS – Gwasanaethau Iechyd Meddwl Plant a'r Glasoed

NEET – Heb fod mewn addysg, gwaith na hyfforddiant
PRU – Uned Cyfeirio Disgyblion

Cyngor Sir CEREDIGION County Council

Gwasanaeth Diogelu

Adroddiad Rheoli Perfformiad y Gwasanaeth Adolygu Annibynnol

Chwarter 4: 1 Ionawr 2022 – 31 Mawrth 2022



...yn gofalu i wneud gwahaniaeth
...taking care to make a difference

CYNNWYS		
TUDALEN:		
ADRAN UN:	CYFLWYNIAD	3
ADRAN DAU:	CYNLLUNIO GOFAL	4
ADRAN TRI:	YMGYNGHORI A CHYFRANOGI	20
ADRAN PEDWAR:	PROTOCOL DATRYS PROBLEMAU	23
ADRAN PUMP:	GWERTHUSO	23
ADRAN CHWECH:	CYNLLUNIAU LLWYBR	24
ADRAN SAITH:	GOFAL SEIBIANT BYR	26
ADRAN WYTH:	SEIBIANNAU BYR	27
ADRAN NAW:	GOFALWYR MAETH	28

ADRAN UN: CYFLWYNIAD

Mae'r adroddiad hwn yn darparu'r wybodaeth a gasglwyd gan y Gwasanaeth Sicrhau Ansawdd ac Adolygu Annibynnol er mwyn monitro perfformiad a sicrhau ansawdd y gwasanaethau i blant sy'n derbyn gofal, plant sy'n gadael gofal, plant sydd mewn lleoliadau preswyl, a phlant sy'n derbyn gofal seibiant a seibiannau byr. Mae'r wybodaeth yn seiliedig ar y ffurflenni monitro sy'n cael eu cwblhau gan y Swyddogion Adolygu Annibynnol yn dilyn pob cyfarfod adolygu yn ystod y chwarter hwn, ynghyd â gwybodaeth arall am berfformiad a gedwir gan y Gwasanaeth plant a Theuluoedd.

MEINCNODI

Mae'r adroddiad hwn yn cynnwys y mesurau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu.

Ar sail y wybodaeth sydd ar gael a'r hyn a fynegir yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd cynllun gofal y plentyn/person ifanc o ran bodloni ei anghenion, a bydd yn tynnu sylw rheolwyr at unrhyw ymarferion gwael.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol i gael cyngor cyfreithiol/cymryd camau ar ei ran. Barnwyd nad oedd angen gwneud hyn ar gyfer unrhyw blant/bobl ifanc yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai gyfeirio'r achos i CAF/CASS Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.


Os oes gennych unrhyw sylwadau neu gwestiynau, cysylltwch ag:

Elizabeth Upcott
Gwasanaeth Diogelu
Penmorfa
Aberaeron
SA46 0PA

ADRAN DAU CYNLLUNIO GOFAL

1. Prif Ffigurau ar gyfer chwarter 4:

Mae'r tabl a'r siart isod yn rhoi cyfanswm y data plant sy'n derbyn gofal ar ddiwedd pob chwarter gan ddechrau gyda'r chwarter diweddaraf.	
31 Mawrth 2022	100
31 Rhagfyr 2021	97
30 Medi 2021	91
30 Mehefin 2021	89
31 Mawrth 2021	85
31 Rhagfyr 2020	79
30 Medi 2020	75
30 Mehefin 2020	78
31 Mawrth 2020	74
31 Rhagfyr 2019	72
30 Medi 2019	63
30 Mehefin 2019	64
31 Mawrth 2019	63
1 Ionawr 2019	60



2. Nifer a chanran yr adolygiadau o blant sy'n derbyn gofal a gynhaliwyd o fewn y terfynau amser statudol.


Targed a bennwyd 100% – Yr hyn a gyflawnwyd 90.2%

Adolygwyd 61 o blant yn ystod y chwarter hwn.


- Cynhaliwyd 55 (90.2%) o gyfarfodydd adolygu plant sy'n derbyn gofal o fewn y terfynau amser statudol.

- Cynhaliwyd 6 (9.8%) cyfarfod adolygu plant sy'n derbyn gofal y tu allan i'r gofynion statudol; cofnodwyd y rhesymau fel a ganlyn:-
 - Gohiriwyd cyfarfod adolygu grŵp o 3 brawd a chwaer oherwydd sefyllfa'r plant adeg yr adolygiad a drefnwyd.
 - Roedd oedi wrth hysbysu bod teulu gyda 3 o blant yn blant sy'n derbyn gofal.

	Ion-Maw 2022	Hyd-Rhag 2021	Gorff-Medi 2021	Ebr-Meh 2021	Ion-Maw 2021
Nifer y plant a adolygwyd yn ystod y chwarter	61	72	48	67	58
Nifer yr adolygiadau a gynhaliwyd o fewn y terfynau amser	55	69	47	66	52
Nifer yr adolygiadau a gynhaliwyd y tu allan i'r terfynau amser	6	3	1	1	6




3. Oed a rhyw plant a adolygwyd yn ystod y chwarter hwn:



4. Natur lleoliadau'r plant a adolygwyd yn ystod y chwarter hwn:

Math o Leoliad	Yn y Sir	Tu allan i'r Sir	Cyfanswm
Gofalwyr Maeth yr Awdurdod Lleol	24	1	25
Lleoli â Rhieni	7	1	8
Lleoli â Theulu	7	-	7
Gofalwyr Asiantaeth Maethu Annibynnol	3	-	3
Gofalwyr sy'n Berthnasau	1	5	6
Preswyl	1	5	6
Mabwysiadu	-	1	1
Preswyl Mamau a Babanod	-	3	3
Gofalwyr Maeth Asiantaeth Maethu Annibynnol ar gyfer Rhieni a Babanod	-	1	1
Ysbyty	-	-	-
Llety â Chymorth	-	1	1
Byw'n Annibynnol	-	-	-
	43	18	61




Cafodd 58 o bobl ifanc eu lleoli gyda gofalwyr oedd yn siarad yr un iaith â nhw.

Cofnododd 2 Adolygiad fod y plant (cafodd yr un plentyn ei adolygu ddwywaith yn ystod y cyfnod hwn) wedi cael eu lleoli gyda gofalwr Saesneg ei iaith, roedd y plentyn o deulu Cymraeg a Saesneg ei iaith.

Nododd 1 adolygiad fod y person ifanc yn plentyn heb fod yng nghwmni oedolyn a chafodd ei roi mewn lleoliad gofal oedd heb fodloni ei anghenion iaith gyntaf. Roedd cyfieithydd yn yr adolygiad er mwyn i'r person ifanc allu cyfrannu'n briodol.


5. Statws cyfreithiol y plant a adolygwyd yn ystod y chwarter hwn:

Statws cyfreithiol y plant a adolygwyd	
Gorchymyn Gofal Llawn	28
Gorchymyn Gofal Dros Dro	23
Gorchymyn Lleoli	3
Adran 76	7
Cyfanswm	61



6. Y rhesymau pam bod y plant a adolygwyd wedi gadael gofal

Cyfnod	Y nifer sydd wedi gadael gofal	Gadael Gofal – Rheswm				
		Mabwysiadu	Dychwelyd adref at y teulu	'Pan dwi'n barod'	Diddymu'r Gorchymyn Gofal	Llety â Chymorth/ Byw'n Annibynnol
Ion-Maw 2022	3	0	0	1	2	0
Hyd-Rhag 2021	7	0	3	0	4	0
Gorff-Medi 2021	3	0	0	0	0	3
Ebrill-Meh 2021	5	1	2	1	1	-
Cyfanswm	18	1	5	2	7	3



7. Nifer a chanran y plant sy'n derbyn gofal sydd â Gweithiwr Cymdeithasol dynodedig.


Targed a bennwyd 100% – Yr hyn a gyflawnwyd 100.0%

- Cofnododd 61 (100.0%) adolygiad o blant sy'n derbyn gofal fod Gweithiwr Cymdeithasol cymwysedig yn gweithio gyda'r plentyn dan sylw.

8. Nifer a chanran yr ymweliadau statudol â phlant sy'n derbyn gofal a adolygwyd o fewn y terfynau amser gofynnol.

Targed a bennwyd 100% – Yr hyn a gyflawnwyd 90.2%


- Derbyniodd 55 (90.2%) o blant sy'n derbyn gofal ymweliadau gan Weithiwr Cymdeithasol yn unol â'r gofynion statudol.
- Ni dderbyniodd 6 (9.8%) o blant sy'n derbyn gofal ymweliadau gan Weithiwr Cymdeithasol yn unol â'r gofynion statudol.



9. Nifer a chanran y Cynlluniau Gofal a Chymorth (Rhan 6) a oedd wedi'u sefydlu erbyn dyddiad y lleoliad cyntaf a'r cynlluniau cyfredol a oedd ar gael ar gyfer yr adolygiad.

Targed a bennwyd 100% – Yr hyn a gyflawnwyd 54.5%

- Roedd 11 lleoliad newydd ar gyfer plant sy'n derbyn gofal yn ystod y chwarter hwn; cofnodwyd mewn 6 (54.5%) cyfarfod adolygu fod gan y plentyn/person ifanc Gynllun Gofal a Chymorth (Rhan 6) wedi'i sefydlu erbyn dyddiad y lleoliad. Nid oedd y Cynllun Gofal a Chymorth (Rhan 6) wedi'i sefydlu erbyn dyddiad y lleoliad ar gyfer y 5 plentyn/person ifanc arall, fodd bynnag, fe'i cofnodwyd fel ei fod yn ei le adeg eu hadolygiad.



- Nododd y Swyddog Adolygu Annibynnol fod angen diweddarau cofnodion y Cynllun Gofal a Chymorth (Rhan 6) ar gyfer 3 phlentyn. Nodwyd bod y Cynllun Gofal a Chymorth wedi cael ei ddiweddarau ar gyfer pob un o'r 3 o'r plant/pobl ifanc hyn.


10. Nifer a chanran y plant sy'n derbyn gofal sydd â Chynllun Parhad wedi'i sefydlu erbyn yr ail adolygiad os na chynlluniwyd ar gyfer dychwelyd adref.

Targed a bennwyd 100% – Yr hyn a gyflawnwyd 83.3%


- Cynhaliwyd 6 ail adolygiad yn ystod y chwarter hwn a chofnododd 5 (83.3%) adolygiad fod Cynllun Parhad wedi'i gytuno. Mae hyn yn cymharu â 71.4% yn y chwarter blaenorol.
- Mewn 7 (11.5%) adolygiad yn ystod y cyfnod hwn cofnododd y Swyddog Adolygu Annibynnol bryderon ynghylch cynnydd y Lleoliad/Cynllun Gofal a Chymorth/Cynllun Parhad.

Roedd natur y pryderon fel a ganlyn:-


- Nododd 2 adolygiad ar gyfer grŵp o frodyr a chwiorydd eu bod yn ansicr ynghylch y lleoliad.
- Mewn 1 adolygiad roedd pryder am yr oedi hir cyn cynnal asesiadau i sicrhau opsiwn hirdymor (naill ai Gorchymyn Gwarchodaeth Arbennig neu faethu hirdymor)
- Mewn 2 adolygiad ar gyfer grŵp o frodyr a chwiorydd, mynegwyd pryderon am yr oedi hir wrth asesu'r brodyr a chwiorydd.
- Mewn 1 adolygiad arall, roedd pryderon bod llety dros dro bellach wedi dod yn drefniant hirdymor ac roedd yn ymddangos bod y person ifanc wedi ymddieithrio.
- Roedd pryderon am ymddygiad peryglus 1 person ifanc yn enwedig gan fod y lleoliad yn bell o Geredigion ac roedd y person ifanc am fod yn agosach. Fodd bynnag, ar yr ochr gadarnhaol, roedd cydweithio agos iawn rhwng gweithwyr proffesiynol yn yr ardal lle yr oedd y person ifanc wedi'i leoli.



11. Faint o amser mewn gofal:



12. Natur y Cynlluniau Parhad:




13. Nifer a chanran y plant sy'n derbyn gofal agafodd ofal seibiant gan rywun heblaw eu prif ofalwyr.

- Mewn 3 (4.9%) adolygiad o blant sy'n derbyn gofal nodwyd bod y plentyn/person ifanc yn cael gofal seibiant byr gan rywun heblaw ei brif ofalwyr.

14. Nifer a chanran y bobl ifanc gymwys oedd â Chynllun Llwybr yn unol â'r gofynion.

Targed a bennwyd: 100% Yr hyn a gyflawnwyd 60.0%

- Mewn 3 (60.0%) adolygiad cofnodwyd bod gan y person ifanc Gynllun Llwybr wedi'i sefydlu a bod Ymgynghorydd Personol wedi'i benodi ar eu cyfer.
- Mewn 2 (40%) adolygiad cofnodwyd nad oedd Cynllun Llwybr gan y person ifanc, fodd bynnag cafodd Ymgynghorydd Personol ei benodi ar gyfer un o'r bobl ifanc hyn.



15. Nifer a chanran y plant sy'n derbyn gofal (o oedran a lefel dealltwriaeth briodol) sy'n deall y rhesymau pam eu bod yn cael eu gofalu amdanynt.

Targed a bennwyd 100% – Yr hyn a gyflawnwyd 100.0%

- Mae'r data ar gyfer y dangosydd perfformiad hwn yn gysylltiedig â 40 o blant/bobl ifanc oherwydd barnwyd nad oedd 21 o'r plant/pobl ifanc yn ddigon hen nac yn meddu ar ddigon o grebwyll i ddeall pam eu bod yn derbyn gofal.
- Roedd 40 (100%) yn y grŵp hwn yn dangos rhyw fath o ddealltwriaeth pam eu bod yn derbyn gofal gan rywun heblaw am eu teuluoedd o'i gymharu â 94.0% yn y chwarter blaenorol. Fodd bynnag, nododd 3 o'r adolygiadau hyn fod angen gwneud mwy o waith gyda'r plentyn/person ifanc.

16. Nifer a chanran y plant sy'n derbyn gofal (fel y bo'n briodol o ran eu hoedran a'u crebwyll) a oedd yn deall eu Cynlluniau Gofal a Chymorth.

Mae'r data ar gyfer y dangosydd perfformiad hwn yn ymwneud â 37 plentyn/person ifanc oherwydd barnwyd nad oedd 24 o'r plant/pobl ifanc yn ddigon hen nac yn meddu ar ddigon o grebwyll, ac felly fe'u diystyriwyd o'r ffigurau.

- Roedd 35 (94.6%) yn y grŵp hwn yn dangos dealltwriaeth o'r hyn a oedd yn eu Cynlluniau Gofal a Chymorth (Rhan 6).
- Nododd 2 (5.4%) adolygiad fod angen rhannu hwn gyda'r plant/pobl ifanc.

17. Mesur Cenedlaethol 33: Nifer a chanran yr achosion o symud plant sy'n derbyn gofal.

- Mewn 12 (19.7%) adolygiad o blant sy'n derbyn gofal cofnodwyd bod y plentyn/person ifanc wedi symud lleoliad yn ystod y chwarter hwn o'i gymharu ag (18.1%) yn y chwarter blaenorol.

Dyma oedd y rhesymau dros newid y lleoliadau:

- Symudodd 1 person ifanc o ofalwr maeth rhieni a babanod oherwydd ei fod yn lleoliad negyddol ar gyfer asesiad parhaus y fam i leoliad gofalwr maeth rhieni a babanod pellach.
- Yn achos 2 berson ifanc roedd y symud lleoliad oherwydd bod y gofalwr wedi rhoi rhybudd bod y lleoliad yn dod i ben.
- Symudodd 1 person ifanc arall o leoliad gyda rhiant i leoliad gyda gofalwr maeth oherwydd esgeulustod ac anaf nad yw'n ddamweiniol.
- Cofnodwyd mewn 2 adolygiad bod y bobl ifanc wedi symud fel cam i lawr mewn gofal wedi'i gynllunio o gartref preswyl mamau a babanod i leoliad gyda rhiant yn y gymuned
- Roedd 2 adolygiad wedi cofnodi bod y person ifanc yn symud o leoliad tymor byr i leoliad tymor hir gyda gofalwyr sy'n berthnasau.

- Arweiniodd dadansoddiad o leoliad gofalwr maeth at 1 person ifanc yn symud i leoliad preswyl.
- Symudodd 1 person ifanc o ofalwyr maeth i leoliad preswyl.
- Mewn 2 adolygiad pellach, nodwyd bod 1 person ifanc wedi symud o leoliad tymor byr i leoliad tymor byr arall tra bod y person ifanc arall wedi symud o leoliad tymor byr i leoliad tymor hir.

18. Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion plant sy'n derbyn gofal.

Targed a bennwyd 100% – Yr hyn a gyflawnwyd 98.4%

- Cofnodwyd bod 60 (98.4%) o gynlluniau lleoli/gofal a chymorth yn bodloni anghenion y plant/pobl ifanc o'i gymharu â 91.7% yn y chwarter blaenorol.
- Cofnododd 1 (1.6%) adolygiad nad oedd y lleoliad/gofal a chymorth yn bodloni anghenion y plentyn/person ifanc. Y rheswm a gofnodwyd oedd bod ymddygiad y plentyn/person ifanc wedi gwaethygu wrth i'r lleoliad tymor byr fynd rhagddo.

19. Nifer a chanran y pryderon diogelu a nodwyd mewn perthynas â phlant sy'n derbyn gofal yn ystod y chwarter hwn.

- Mewn 3 (4.9%) adolygiad o blant sy'n derbyn gofal nodwyd pryderon diogelu ar gyfer y person ifanc; cadarnhawyd bod y pryderon yn cael sylw.


20. Nifer y plant sy'n derbyn gofal a enwir ar y Gofrestr Amddiffyn plant.

- Nodwyd mewn 3 (4.9%) adolygiad bod y person ifanc wedi'i enwi ar y Gofrestr Amddiffyn plant.

21. Nifer a chanran y plant sy'n derbyn gofal a gafodd Asesiadau Iechyd yn unol â'r gofynion statudol.

Targed a bennwyd 100% – Yr hyn a gyflawnwyd 90.2%

- Roedd 55 (90.2%) o'r plant/pobl Ifanc sy'n derbyn gofal wedi cael asesiad iechyd cyfredol erbyn eu hadolygiad o'i gymharu â 94.4% yn y chwarter blaenorol.
- Nid oedd gan 6 (9.8%) o'r plant/pobl Ifanc sy'n derbyn gofal asesiad iechyd cyfredol adeg eu hadolygiad, fodd bynnag mae asesiadau iechyd wedi cael eu cynnal ar gyfer pob un o'r plant/pobl ifanc hyn bellach.



Sylwadau: Mae Asesiadau lechyd yn eu lle bellach ar gyfer yr holl bobl ifanc hyn

22. Canran y plant a oedd wedi'u cofrestru gyda deintydd o fewn 20 diwrnod gwaith ar ôl dechrau derbyn gofal

Targed a bennwyd: 100% Yr hyn a gyflawnwyd 66.7%

Wedi'u cofrestru gyda deintydd

Mae'r data ar gyfer cofrestru plant/pobl ifanc gyda deintydd o fewn 20 diwrnod gwaith ar ôl dechrau derbyn gofal yn gysylltiedig â 6 phlentyn/person ifanc.

- Mewn 4 (66.7%) adolygiad cofnodwyd bod y plant/pobl ifanc wedi cofrestru gyda deintydd o fewn 20 diwrnod gwaith ar ôl dechrau yn y lleoliad.
- Mewn 2 (33.3%) adolygiad nodwyd bod y plentyn/person ifanc heb gofrestru eto gyda deintydd.

Sylwadau: Roedd y ddau berson ifanc hyn o dan 1 mlwydd oed.

Wedi cofrestru gyda deintydd

Mae'r data ar gyfer y dangosydd perfformiad hwn yn gysylltiedig â 50 o blant/bobl ifanc oherwydd diystyriwyd 11 plentyn/person ifanc a oedd yn cael eu hadolygiad plant sy'n derbyn gofal cyntaf o'r ffigurau uchod er mwyn bodloni gofynion y Mesur Cenedlaethol.

- Roedd 43 (86.0%) o blant a phobl ifanc wedi cofrestru gyda deintydd. Mae hyn yn cymharu â 96.8% yn y chwarter blaenorol.

Roedd angen i 7 (14.0%) plentyn/person ifanc gael eu cofrestru gyda deintydd.

Sylwadau: Roedd 6 o'r adolygiadau uchod yn gysylltiedig â 3 o blant a gafodd eu hadolygu dwywaith o fewn y chwarter; roedd y person ifanc arall wedi cael ei gyfeirio at wasanaeth deintyddol.

23. Mesur Cenedlaethol 30: Nifer a chanran y plant sy'n derbyn gofal oedd wedi cael eu gweld gan ddeintydd o fewn 3 mis ar ôl dechrau derbyn gofal.

Wedi cael ei weld gan ddeintydd

Mae'r data ar gyfer cael ei weld gan ddeintydd o fewn 3 mis ar ôl dechrau derbyn gofal ofal yn gysylltiedig â 4 plentyn.

- Cofnodwyd mewn 3 adolygiad (75.0%) bod y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.
- Cofnodwyd mewn 1 adolygiad (25.0%) nad oedd y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.


Wedi cael ei weld gan ddeintydd

Targed a bennwyd 90% – Yr hyn a gyflawnwyd 78.6%

Mae'r data ar gyfer y dangosydd perfformiad hwn yn gysylltiedig â 42 o blant/bobl ifanc gan fod 19 o blant/bobl ifanc yn iau na 2 oed a/neu'n cael eu hadolygiad o blant sy'n derbyn gofal cyntaf, ac felly fe'u diystyriwyd o'r ffigurau uchod er mwyn bodloni gofynion y Mesur Cenedlaethol.

- Cofnodwyd bod 33 (78.6%) o blant a phobl ifanc wedi gweld deintydd yn ystod y 12 mis blaenorol o'i gymharu â 51.7% yn y chwarter blaenorol.
- Cofnodwyd nad oedd 9 (21.4%) o blant a phobl ifanc wedi gweld deintydd.

Sylwadau: Cafodd archwiliadau deintyddol arferol eu gohirio oherwydd pandemig Covid-19 a chanllawiau Llywodraeth Cymru.



24. Mesur Cenedlaethol 31: Canran y plant sy'n derbyn gofal a oedd wedi'u cofrestru â Meddyg Teulu o fewn 10 niwrnod gwaith ar ôl dechrau yn y lleoliad.

- Mewn 20 (90.9%) adolygiad cofnodwyd bod y plentyn wedi cofrestru gyda darparwr gwasanaethau meddygol cyffredinol o fewn 10 niwrnod gwaith ar ôl dechrau'r lleoliad.
- Mewn 2 (9.1%) adolygiad cofnodwyd bod y cam gweithredu hwn yn parhau heb ei weithredu ond byddai'n gam gweithredu o'r adolygiad o blant sy'n derbyn gofal.

25. Nifer a chanran y plant sy'n derbyn gofal a oedd wedi'u cofrestru gyda meddyg teulu.

Targed a bennwyd 100% – Yr hyn a gyflawnwyd 98.4%

- Roedd 60 (98.4%) o blant a phobl ifanc wedi cofrestru gyda meddyg teulu o'i gymharu â 100% yn y chwarter blaenorol.
- Mewn 1 (1.6%) adolygiad cofnodwyd y byddai'r plentyn/person ifanc yn cael ei gofrestru yn dilyn yr adolygiad o blant sy'n derbyn gofal.
- Roedd 55 (91.7%) o blant wedi cael eu holl frechiadau angenrheidiol.
- Roedd 5 (8.3%) plentyn yn hwyr yn derbyn eu brechiadau, fodd bynnag, cadarnhawyd mewn 4 adolygiad bod gwaith yn parhau i ddatrys hyn, a bod rhaglen frechu gyflym yn ei lle ar gyfer y person ifanc arall.

Cafodd 1 adolygiad eu diystyru o'r ffigurau oherwydd roedd y rhiant yn gwrthod caniatáu i'r plentyn gael ei frechu.

26. Nifer a chanran y plant sy'n derbyn gofal yr aseswyd eu bod angen cymorth gan Wasanaethau Iechyd Meddwl plant a'r Glasoed (CAMHS) a gafodd eu hatgyfeirio ac a dderbyniodd asesiad/gwasanaeth.

Targed: 50%


Gwir Berfformiad

- Mewn 3 (4.9%) adolygiad o blant sy'n derbyn gofal cofnodwyd bod y plentyn/person ifanc wedi'i atgyfeirio i CAMHS, a chadarnhawyd ym mhob un o'r 3 adolygiad bod yr atgyfeiriad wedi cael ei dderbyn ar gyfer y plentyn/person ifanc.
- Mewn 57 (100.0%) o adolygiadau o blant sy'n derbyn gofal cofnodwyd bod iechyd meddwl/emosiynol y plant/pobl ifanc wedi'i ystyried yn yr Asesiad Iechyd a/neu wrth drafod yn y cyfarfod.
- Mewn 4 adolygiad cofnodwyd bod y plentyn/person ifanc yn rhy ifanc, felly fe'u diystyriwyd o'r ffigurau.

27. Natur y ddarpariaeth addysg:

Yn ystod y chwarter dan sylw roedd y plant a'r bobl ifanc a adolygwyd yn y ddarpariaeth addysg ganlynol:

Darpariaeth addysg	
plant cyn-ysgol	14
Disgyblion ysgol gynradd	27
Disgyblion ysgol uwchradd	14
Uned Cyfeirio Disgyblion (PRU)	2
Prosiectau eraill – Lleoliad Gwaith Arbenigol	
Coleg	2
Heb fod mewn addysg, gwaith na hyfforddiant (NEET)	2
Addysg heblaw yn yr ysgol	
Colli addysg	
Preswyl	
Wedi gadael yr ysgol	
Tiwtora	
Addysg Ddewisol yn y Cartref	
Cyflogedig	
Cyfanswm	61



28. Nifer a charan y plant sy'n derbyn gofal oedran ysgol oedd â Chynllun Addysg Personol o fewn 20 diwrnod ysgol ar ôl cael eu derbyn i ofal neu ar ôl dechrau mewn ysgol newydd.

Targed a bennwyd 70% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn gysylltiedig â 37 o blant/bobl ifanc a oedd dros yr oedran statudol i ddechrau'r ysgol ac felly'n gymwys i gael Cynllun Addysg Personol.

- Roedd gan 37 (100.0%) o blant a phobl ifanc dros yr oedran statudol i ddechrau ysgol Gynllun Addysg Personol cyfredol.
 - Mewn 12 (100.0%) adolygiad cofnodwyd bod y Cynllun Addysg Personol wedi'i gwblhau o fewn 20 diwrnod ysgol o fod yn blentyn sy'n derbyn gofal neu 20 diwrnod gwaith ar ôl newid ysgol yn unol â'r gofynion.
 - Mewn 25 (100.0%) adolygiad cofnodwyd bod gan y person ifanc Gynllun Addysg Personol cyfredol.

- Roedd gan 10 (25.0%) o blant a phobl ifanc a oedd yn mynd i'r ysgol/coleg anghenion dysgu ychwanegol wedi'u cydnabod.

- Mewn 14 (34.1%) adolygiad daethpwyd i'r casgliad bod y plant/pobl ifanc a oedd yn mynd i'r ysgol/coleg yn tangyflawni o ran eu haddysg. Ym mhob un o'r 14 (100.0%) adolygiad cofnodwyd bod y bobl ifanc yn cael cymorth.

- Mewn 11 (100.0%) adolygiad nodwyd bod y ddarpariaeth addysg wedi'i sefydlu pan ddechreuodd y lleoliad.

- Nododd 1 (2.7%) adolygiad y bu cyfnod pan oedd y plentyn/person ifanc heb fod mewn addysg am gyfnod wrth aros am le mewn ysgol

29. Mesur Cenedlaethol 32: Canran y plant sy'n derbyn gofal sydd wedi symud i ysgol arall, ac eithrio trefniadau pontio

Targed a bennwyd 0% – Yr hyn a gyflawnwyd 10.8%

- Mewn 4 (10.8%) adolygiad cofnodwyd bod y plentyn/person ifanc wedi symud i ysgol arall ac nad oedd yn symud yn sgil pontio, o'i gymharu â 6.2% yn y chwarter blaenorol.

30. Nifer a chanran y plant sy'n derbyn gofal a gafodd eu gwahardd o'r ysgol

Targed a bennwyd 12% gwaharddiad dros dro – Yr hyn a gyflawnwyd 2.7%

Targed a bennwyd 1% gwaharddiad parhaol – Yr hyn a gyflawnwyd 0.0%

- Mewn 1 adolygiad (2.7%) adroddwyd bod y person ifanc wedi'i wahardd o'r ysgol dros dro yn ystod y cyfnod adolygu. Mae hyn yn cymharu â 8.3% yn y chwarter blaenorol.
- Ni adroddwyd mewn unrhyw adolygiad (0.0%) bod y person ifanc wedi'i wahardd yn barhaol o'r ysgol, sy'n gyson â'r chwarter blaenorol.

Dyma'r gwaharddiadau yn ystod y chwarter hwn:-

7 sesiwn – 3.5 diwrnod

14 sesiwn – 7 diwrnod

Cyfanswm – 21 sesiwn = 10.5 diwrnod

ADRAN TRI

YMGYNGHORI A CHYFRANOGI

- 1 Dangosydd Perfformiad Lleol: Nifer a chanran y plant sy'n derbyn gofal a oedd yn ddigon hen ac yn meddu ar ddigon o grebwyll fel bod Gweithiwr Cymdeithasol wedi gallu ymgynghori â hwy neu roeddent yn bresennol yn eu cyfarfod adolygu**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 41 adolygiad oherwydd cofnodwyd mewn 20 adolygiad nad oedd y plant/pobl ifanc yn ddigon hen nac yn meddu ar ddigon o grebwyll i fod yn rhan o'r broses ymgynghori, er bod 3 o'r rhain wedi bod yn bresennol yn eu hadolygiad.

- Cofnodwyd mewn 41 (100.0%) Adolygiad fod ymgynghori wedi digwydd.

Dadansoddiad o'r ymgynghori

Bu 19 plentyn/person ifanc yn bresennol yn eu cyfarfod adolygu drwy Teams. Roedd 22 plentyn/person ifanc wedi cwblhau papurau ymgynghori a/neu roedd gweithwyr proffesiynol, rhieni, gofalwyr neu eiriolwyr wedi'u cynrychioli yno.

- Roedd gan y Swyddog Adolygu Annibynnol gysylltiad uniongyrchol â 4 plentyn/person ifanc yn ystod y cyfnod adolygu y tu allan i'r cyfarfod adolygu.

- 2 Dangosydd Perfformiad Lleol: Nifer a chanran y plant a oedd yn gwybod am eu hawl i gael Gwasanaeth Eirioli/Cynllun Ymwelydd Annibynnol**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 42 adolygiad oherwydd cofnodwyd mewn 19 adolygiad nad oedd y plant/pobl ifanc a adolygwyd yn ddigon hen nac yn meddu ar ddigon o grebwyll i gael gwybod am eu hawl i gael Eiriolwr/Cynllun Ymwelydd Annibynnol, ac felly fe'u diystyriwyd o'r ffigurau.

- Hysbyswyd 42 (100.0%) o blant a phobl ifanc am eu hawl i gael Eiriolwr/Cynllun Ymwelydd Annibynnol a gwnaethpwyd atgyfeiriad.

3 **Dangosydd Perfformiad Lleol: Nifer a chanran y plant a gafodd wybod am y drefn gwyno**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 32 adolygiad oherwydd cofnodwyd mewn 29 adolygiad nad oedd y plentyn/person ifanc yn ddigon hen nac yn meddu ar ddigon o grebwyll, felly fe'u diystyriwyd o'r ffigurau.

- Roedd 32 (100.0%) plentyn/person ifanc yn gwybod am y drefn gwyno o'i gymharu â 97.6% yn y chwarter blaenorol.

4 **Dangosydd Perfformiad Lleol: Nifer a chanran y rhieni y bu i'r Gweithiwr Cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu**

Targed a bennwyd 80% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 52 adolygiad oherwydd cofnodwyd mewn 9 adolygiad nad oedd y rhieni yn rhan o'r broses adolygu statudol, ac felly fe'u diystyriwyd o'r ffigurau.

- Cwblhaodd 52 (100.0%) o rieni bapurau ymgynghori neu roeddent wedi cwrdd neu siarad â'r Swyddog Adolygu Annibynnol cyn a/neu ar ôl y cyfarfod adolygu, a/neu roeddent wedi bod yn bresennol yn y cyfarfod adolygu eu hunain, a/neu roedd gweithwyr proffesiynol wedi'u cynrychioli yno.

Dadansoddiad o'r ymgynghori

Cafodd papurau ymgynghori eu hanfon allan ar gyfer 52 adolygiad.

Mewn 35 adolygiad cadarnhawyd bod y rhieni'n bresennol neu wedi siarad â'r Swyddog Adolygu Annibynnol dros y ffôn cyn a/neu ar ôl yr adolygiad.

5 **Dangosydd Perfformiad Lleol: Nifer a chanran y gofalwyr maeth y bu i'r Gweithiwr Cymdeithasol ymgynghori â hwy neu a fu'n bresennol yng nghyfarfod adolygu'r plentyn**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 56 adolygiad oherwydd cofnodwyd mewn 5 adolygiad bod y plentyn wedi'i leoli â rhiant neu roedd yn byw'n annibynnol, felly diystyriwyd yr adolygiadau hyn yn y ffigurau.

- Cwblhaodd 56 (100.0%) o ofalwyr maeth bapurau ymgynghori a/neu buont yn bresennol yn yr adolygiadau yn ystod y cyfnod hwn.

6 Dangosydd Perfformiad Lleol: Nifer a chanran y Cynrychiolwyr Iechyd a fu'n bresennol mewn adolygiad neu a anfonodd adroddiad.

Targed a bennwyd 100% – Yr hyn a gyflawnwyd 90.2%

- Mewn 55 (90.2%) adolygiad cadarnhawyd bod gwybodaeth am iechyd ar gael ar gyfer y cyfarfod.
- Mewn 6 (9.8%) adolygiad adroddwyd bod gwybodaeth am iechyd ar gael ar gyfer y cyfarfod.

Sylwadau: Nodwyd bod 3 o'r bobl ifanc hyn yn byw y tu allan i'r ardal.

7 Dangosydd Perfformiad Lleol: Nifer a chanran y cynrychiolwyr ysgol a fu'n bresennol mewn adolygiad neu a anfonodd adroddiad.

Targed a bennwyd 100% – Yr hyn a gyflawnwyd 97.6%

- Mewn 41 (97.6%) adolygiad o blant sy'n derbyn gofal roedd rhywun o'r ysgol yn bresennol neu wedi darparu adroddiad ysgrifenedig o'i gymharu â 100.0% yn y chwarter blaenorol.

8 Dangosydd Perfformiad Lleol: Nifer a chanran y dogfennau adolygiad o blant sy'n derbyn gofal a gwblhaodd y Gweithiwr Cymdeithasol cyn yr adolygiad.

Targed a bennwyd 100% – Yr hyn a gyflawnwyd 83.6%

- Mewn 51 (83.6%) adolygiad cadarnhawyd bod y gweithiwr cymdeithasol wedi cwblhau'r ddogfen adolygu cyn y cyfarfod adolygu o'i gymharu â 86.1% yn y chwarter blaenorol.
- Mewn 10 (16.4%) adolygiad cadarnhawyd nad oedd y ddogfen adolygu wedi'i chwblhau gan y gweithiwr cymdeithasol cyn yr adolygiad.

Sylwadau: Mae hyn oherwydd problemau staffio o fewn y Tîm Gwaith Cymdeithasol. Mae mesurau yn cael eu rhoi yn eu lle i roi sylw i'r broblem hon.

**ADRAN PEDWAR:
PROTOCOL DATRYS PROBLEMAU**

Ni weithredodd y Swyddog Adolygu Annibynnol y Protocol Datrys Problemau ar gyfer unrhyw blentyn yn ystod y cyfnod hwn. SL/FN i gadarnhau

Er y nodwyd nad oedd adolygiadau canol cyfnod yn cael eu cynnal, lle bo angen, roedd y Swyddog Adolygu Annibynnol yn dwyn adolygiadau ymlaen pan oedd pryderon.

ADRAN PUMP

GWERTHUSO

Nid oedd y wybodaeth hon ar gael ar gyfer y chwarter hwn.

ADRAN CHWECH

CYNLLUNIAU LLWYBR

Ar gyfer pobl ifanc dros 16 oed nad ydynt yn blant sy'n derbyn gofal/pobl ifanc dros 18 oed sydd wedi gadael gofal

Cynhaliwyd 32 o adolygiadau o Gynlluniau Llwybr yn ystod y chwarter hwn.

1 Dangosydd Perfformiad: Canran yr Adolygiadau o Gynlluniau Llwybr a gynhaliwyd o fewn y terfynau amser

- Cynhaliwyd 27 (84.4%) o Adolygiadau o Gynlluniau Llwybr o fewn y terfynau amser o'i gymharu â 94.1% yn y chwarter blaenorol.
- Cynhaliwyd 5 (15.6%) Adolygiad o Gynlluniau Llwybr y tu allan i'r terfynau amser. Roedd y rhesymau a gofnodwyd fel a ganlyn: -
 - Mewn 3 Adolygiad o Gynlluniau Llwybr roedd camddealltwriaeth ynglŷn â dyddiad ac amser yr Adolygiad oherwydd bod y gweithwyr wedi newid/person ifanc am fod yn bresennol.
 - Cofnododd 2 Adolygiad o Gynlluniau Llwybr arall eu bod y tu allan i'r terfynau amser oherwydd absenoldeb staff.

2 Dangosydd Perfformiad: Canran y bobl ifanc ag Ymgynghorydd Personol/Gweithiwr Cymdeithasol dynodedig.

- Ym mhob un o'r 32 (100%) adolygiad nodwyd bod gan yr holl bobl ifanc Ymgynghorydd Personol a/neu Weithiwr Cymdeithasol dynodedig.

3 Dangosydd Perfformiad: Canran y Cofnodion o'r Adolygiad o Gynlluniau Llwybr a oedd wedi'u cwblhau erbyn y cyfarfod

- Roedd y Cofnod o'r Adolygiad wedi'i gwblhau ar gyfer 24 (75.0%) o Adolygiadau o Gynlluniau Llwybr o'i gymharu â 64.7% yn y chwarter blaenorol.
- Mewn 8 (25.0%) adolygiad adroddwyd nad oedd y Cofnod o'r Adolygiad wedi'i gwblhau adeg yr adolygiad.

4 Dangosydd Perfformiad: Canran y bobl ifanc yr ymgynghorwyd â hwy ar gyfer y cyfarfod adolygu plant sy'n derbyn gofal

- Cadarnhawyd mewn 31 (96.9%) adolygiad y bu'r bobl ifanc yn bresennol yn y cyfarfod adolygu a/neu fod rhywun wedi'u cynrychioli yno.

- Adroddodd 1 (3.1%) adolygiad nad oedd barn y person ifanc wedi cael ei chynrychioli oherwydd y ffaith bod y person ifanc yn gwrthod ymgysylltu â'r gweithwyr proffesiynol.

5 Dangosydd Perfformiad: Canran y bobl ifanc a oedd yn bresennol yn eu cyfarfod adolygu.

- Mewn 15 (46.9%) adolygiad cofnodwyd y bu'r person ifanc yn bresennol yn y cyfarfod adolygu.
- Mewn 17 (53.1%) adolygiad cofnodwyd na fu'r person ifanc yn bresennol yn yr adolygiad.

6 Dangosydd Perfformiad: Canran y Cynlluniau Llwybr oedd yn bodloni anghenion y person ifanc

- Mewn 27 (84.4%) adolygiad cadarnhawyd bod y Cynllun Llwybr yn bodloni anghenion y person ifanc dan sylw.
- Mewn 4 (12.5%) adolygiad cofnodwyd nad oedd y Cynllun Llwybr yn bodloni anghenion y person ifanc; roedd y rhesymau a gofnodwyd fel a ganlyn:-
 - Roedd 2 berson ifanc yn gwrthod ymgysylltu â gweithwyr proffesiynol.
 - Roedd 1 person ifanc arall yn gwrthod ymgysylltu â gweithwyr proffesiynol ac yn ymosodol ac yn fygythiol tuag at staff.
 - Ar gyfer 1 person ifanc arall roedd hyn oherwydd newid llety o leoliad 'Pan Dwi'n Barod'.
- Mewn 1 (3.1%) adolygiad nodwyd na wyddys a oedd y Cynllun Llwybr yn bodloni anghenion y person ifanc neu beidio gan nad oedd adroddiad wedi'i gwblhau ar gyfer yr adolygiad a doedd dim mewnbwn gan y person ifanc.

7 Dangosydd Perfformiad: Canran y Cynlluniau Llwybr a ddiweddarwyd cyn gadael gofal/pen-blwydd yn 18 oed

- Adroddodd 1 (50.0%) Adolygiad o Gynlluniau Llwybr fod y Cynllun Llwybr wedi'i ddiweddarau cyn i'r person ifanc adael gofal/troi'n ddeunaw oed.

8 Gwerthuso – Nid oedd y wybodaeth hon ar gael ar gyfer y chwarter hwn.

ADRAN SAITH**GOFAL SEIBIANT BYR RHEOLAIDD**

Cynhaliwyd 1 Adolygiad o Ofal Seibiant Byr Rheolaidd yn ystod y chwarter hwn.

- 1 Dangosydd Perfformiad: Canran yr Adolygiadau o Ofal Seibiant Byr Rheolaidd a gynhaliwyd o fewn y terfynau amser statudol**
 - Cynhaliwyd yr adolygiad hwn o fewn y terfynau amser.

- 2 Dangosydd Perfformiad: Canran yr ymweliadau statudol â phlant mewn lleoliadau Gofal Seibiant Byr Rheolaidd a gynhaliwyd o fewn y terfynau amser gofynnol**
 - Cofnodwyd bod yr ymweliadau statudol wedi'u cynnal.

- 3 Dangosydd Perfformiad: Canran y bobl ifanc yr ymgynghorwyd â hwy/a fynychodd y cyfarfod adolygu**
 - Cafodd y person ifanc ei gynrychioli/roedd y person ifanc wedi mynychu'r cyfarfod adolygu.

- 4 Dangosydd Perfformiad: Canran y rhieni yr ymgynghorwyd â hwy ar gyfer y Cyfarfod Adolygu**
 - Dogfennwyd bod y rhiant naill ai wedi mynychu/wedi'i gynrychioli/yn y cyfarfod adolygu.

- 5 Dangosydd Perfformiad: Canran y gofalwyr maeth yr ymgynghorwyd â hwy ar gyfer y cyfarfod adolygu**
 - Cadarnhawyd bod y gofalwyr naill ai wedi mynychu/wedi'u cynrychioli yn yr adolygiad.

ADRAN WYTH
SEIBIANNAU BYR

Ni chynhaliwyd unrhyw adolygiadau o seibiannau byr yn ystod y cyfnod dan sylw.

ADRAN NAW
ADOLYGIADAU O OFALWYR MAETH

Ni chynhaliwyd unrhyw adolygiadau o ofalwyr maeth yn ystod y cyfnod dan sylw.